

АПРЕЛЬТЬ

26-це шистонза 1941 кизоня

48 (1844)

ПИТНЕЦ 10 тр.



# Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРНОМЪ ГАЗЕТАСНА

ЛИСЕНДИ

9-це КИЗОСЪ

Адресс: г. Саранск,  
Советская ул., Дом печати.

## ЦЕБЯРЬСТА АНОКЛАМС ПИОНЕРСКИЙ ЛАГЕРЬХНЕНДИ

Тя кизоня пионерский лагерьхненъ эса кармайхть вай-мама кафта миллионда лама советский жизнерадостный ид. Мира Советский Союза башка, аш фкявок страна, коса-ба каске поколения инкса ташкава заботендаль правительствась. Минь, комсомолечне, большевистский партия инголе кантама пяк оцю ответственность сянкса, штоба лагерьса детворась этафтолезе пингть няк полезнаяста.

ВЛКСМ-нь Мордовский обкомъ 1941 кизонь апрельть 14-це шинь решениянц коряс республикань лагерьхненъ эса тяде ваймай 11.500 пионер, снйв эздот массовой районнай лагерьхненъ эса ваймай 2.250 ломань, походно-полевойхненъ эса—7.300, ошениетненъ эса—1.350 и республиканский эса—600 ломань.

15—20 ши пионерхне кармайхть эряма лагерьхненъ эса. И кда лагерьхне этайхть цебарьста, итне получахть лама навькат, конат теист эрявк-стухть аф анычек плодотворная тонафнеманди, но и будущей гражданский деятельностьсостка.

Пионервожатайхненди и комсомолечненди, конат кармайхть работама пионерский лагерьхненъ эса, эряви шарьхкодемс, што снйв кармайхть работама иттенъ мархта, конатненъ эряфонъ опытна оцю ломаттненъ коряс сада кржа. Тята выводек фкя: внимательна арьсем лагерьнай эряфонъ эрь деталть. Военно-физкультурнай воспитанить и общественно-полезнай деятельность, и иттенъ самообслуживаниясн эряви ладамс пионерхненъ вийсн и возможностьсн коряс. Аф правильна и нльне вредна ули этафнемс анычек похотт, уче-

ният, стрельбат, а лиять юксамс. Катк итне эсь лагерьсост костерт ваксса и беседа кулхондыхть, и пьеса пухть, и морот морайхть, и калонь кундама молихть и модельхть тиыхть.

Штоба цебарьста этафтомс лагерть, эрявихть лувомс пионерхненъ запроссн и интересн и эрь пионерт сувафтомс активной деятельности.

Тя можна сатомс эста, мзярда цебарьста кармайхть работама пионерский отрядтне и звенатне. Звенась и отрядс—пях гибкайхть, работоспособнайхть, и аф эряви создавать всякай лаца комиссият, бригадат. Именна отрядс и звенаса кемокснви иттенъ самостоятельностьсна. Эряви анычек маштоз снйв мархтоз руководить. Задача аши снйв эса, штоба маштоз и эсь пингтонза кочкамс пионервожатайхть, вооружандам снйв знания и лагерьнай работань навькса.

ВЛКСМ-нь обкомъ мярьгс комсомолонь райкомтненди и горкомтненди апрельть 20-це шидонза инголе кочкамс лагерень начальник и старшай вожатайхть, конатненъ мархта майть 15-це шинц самс ули этаффт инструкторнай семинар. Тяс пионервожатайхне васендакиге тонадыхть сянди, мезе сави теист практически тиэмс лагерьса.

Пионерский лагерьхне—важнейшай воспитательнай тев, конат кирди общегосударственной значения. Вов мезенкса теист аноклама работать эса Ленино-Сталинский комсомолда башка, должет примамс инь деятельнай участия профсоюзнай организациятне и народнай образованиян органти.

## СБОРНИК „ЛЕНИН И СТАЛИН ПАРТИЙНАЙ СТРОИТЕЛЬСТВАТЬ КОЛГА“

Маластонь пингть Госполитиздатс полдасы «Ленин и Сталин партийнай строительствать колга» сборникъ васенце томон. Сборникъ аши кафта томста. Сонь аноклазе печатс ВКП(б)-нь ЦК-ть видеса Марксонь — Энгельсонь — Ленинон институтс.

Двухтомникти суваффт Ленинон и Сталинон важнейшай работасна и партийнай

съезттненъ, конференциятненъ, ВКП(б)-нь ЦК-ть пленумонзон партийнай строительствань кизефксненъ коряс решениясна. Сборникъ макс лезке партийнай кадратненди большевизмать историянц сембе этапонзон эса партийнай строительствань кизефксненъ изученияса.

(ТАСС).

## ТАДЖИКИСТАНОНЪ ЛИТЕРАТУРАТЬ И ИСКУССТВАТЬ КОЛГА ВЕЧЕР

Апрельть 24-це шистонза Москуса ульс Таджикистанонъ литературать и искусствать колга вечер, конань организовандазе СССР-нь Советский писателень Союзть Правления. А. Фадеев ялгась седи вакса приветствовандазень кельгома пинхненъ—Таджикский ССР-нь писательхненъ, искусствань работникненъ и руководящай работникненъ. Таджикский литературать тѣ-

жянь кизонь историянцтнюрхкяна обзор тись наукань кандидатс И. С. Брадинский. Поэтс—орденоносекс Г. Лахути морась несколько лирический мора. Оцю мялса ульс васьфтьф старейшай писатель, советский таджикский прозат основоположниконц, Ленинон ордена награжденнайть С. Айни речен, меколи ульс оцю концерт.

(ТАСС).



СНИМКАСА: «Искусство» издательствась полдасы 1-це майти плаката.

(Работась Б. Иорданский художникъ), репродукцияс Г. Широковъ. (Фотохроникас ТАСС-ть).

## СОРЕВНОВАНИЯНЪ ЗНАМЯТЬ АЛА

Исарский педучилищань педагогический коллективс и учащайхне вишкста аноклайхть всенароднай праздникъ—майнь васенце шить достойнаста васьфтеманти. Тянка снйв келептез эсь ётковаот отличнаяста и цебарьста тонафнемат инкса социалистический соревнованият. Соревнованияса первенствать занесазь 3-це «Б» классонь учащайхне, конатненъ аш фкявок калдяв отметкасна тядень тонафнема кизотъ нилеце четвертьстонза. Тя аши ученикненъ ширде родинати инь питни подаркакс.

Комсомольский организацият секретарец Грошев ялгась тонафни анычек отличнаяста,

глубокайста усваивает программнай материалть. Тяфтама комсомолецта Исарский педучилищаса аф кржа. Казакова комсомолкас сембе дисциплинатненъ коряс сатс отличнай отметкат, Лизкин комсомолецс тяфта жа тонафни анычек отличнаяста.

Пяшкоткшнемок эсь обязательствасн, конатненъ сивондез эсь лангозост будущей педагогке майть васенце шинц честс, снйв образцоваяста аноклайхть испытаниятненди, и аш сомнения, што снйв праздникъ честс соцсоревнованият вельде испытаниятненъ эса сатхть отличнай и цебарь результат.

## АДЕЛАМС ТОНАФНЕМА КИЗОТЬ ВТОРОГОДНИКФОМА

ВЛКСМ-нь ЦК-ть Х-це пленумонц решениянзон коряс школьной комсомольский организациятненъ инголе школа-са 100 процентнай успеваемость инкса тюремась аши инь главный задачке.

Однак, тянь пях калдявста шарьхкодезе Рыбинский средняй школань комсомольский организацияс. Колмопчетвертьт эзда комсомолечненъ общай успеваемостьсна анычек 78 процент. Школа с улихть аф кржа комсомолецт, конат тонафнихть калдявста.

Тяни, тонафнема кизотъ 4-це четвертец эзда, комсомольский организацияс должен сембе вийнзон мобилизовандам учебнай планть пашкодеманти, тонафнема кизотъ второгондикфтома аделаманц инкса большевистский тюремати.

Тяфтажа сави азомс, што школьной комсомольский организацияс аф сатомшкаста вяти оборонно-физкультурнай работа.

Морозов.

## КОЛХОЗНАЙ ПАКСЯТНЕНЪ ЭЗДА

Ковылкина. В. Лашминский сельсоветонь «14 годовщина Октября» колхозс этафтс 28 гектар лангса озимонь подкормка и инзась 10 гектархт озим.

Тяка сельсоветонь «Вторая пятилетка» колхозс этафтс озимонь подкормка 10 гектар лангс и инзась озимда 7 гектархт.

Озимонь подкормка 20 гектар лангса этафтс М.-Вознесенский сельсоветонь Роза Люксембургть лемса колхозть колхозниконза.

Торбеева. Сталинть лемса колхозс организованнаяста ушедс работама тундань паксаян работаса: сокас и инзась 20 гектар весновспашка и 10 гектархт видес пинем.

Бригадатне и звенатне, соревновандамок эсь ётковаот, сивать обязательства—зернобобовой культуратненъ видемаснон аделамс майть 5-це шинцы.

Рыбкина. Апрельть 24-це шистонза паксаян работаса кармасть работама Ново-Мамонгинский сельсоветонь «Од эряф», «Красный пахарь», «Звезда», «Прямой путь», Старо-Самаевский сельсоветонь «Яктерь партизан» колхозне, конат сокас 3—5-нь гектар весновспашка. Районца тундань паксаян работатненди лисс марнек 14 колхоз.

Исар. Районца лама колхоз кярмодсть паксаян работатненди.

«Молот» колхозс сокас 4 гектархт и этафтс озимонь подкормка.

Ново-Верхисинский «Красная Мордовия» колхозс сокас алашаса 17 гектар.

Паксаян работатненди лисст Козловский «Путь Октября», Сил-Пятинский «Наука» колхозне и лият.

## Лац работаманкса казьф

1938 кизоста сивомок Сидоркин ялгась работай письмоносекс. Сонь цебарьста работаманц инкса велеса кельгасз сембе колхозникне.

Сидоркин ялгась велеса оцюс келептезе газетань и журналонь подпискат. Мекольден пингть подпискат пачфтезе 100 процентс.

Добросовестнаяста работаманкса, подпискань планть пашкодеманти инкса Рыбинский почтовой отделенис казезе ярмакса.

Получандамок тя казнеть, Сидоркин ялгась максс вал работамс нинге сзда цебарьста и вельф пашкодем газетань и журналонь подпискат.

Волков.

Рыбинский район,  
Сире Мамани веле.



# РЕСПУБЛИКАНСКИЙ КОМСОМОЛЬСКИЙ ГАЗЕТАТНЕНЬ ЛЕМСА КОМСОМОЛЬСКИЙ КРОССТЬ ЙОТАФТОМАСА ВЛКСМ-нь ОБКОМТЬ ВИДЕСА ОРГКОМИТЕТТЬ РАЗЪЯСНЕНИЯЦ

Республиканский комсомольский газетатненъ лемса комсомольский кроссть (соревнования) етафтомаса ВЛКСМ-нь обкомть видеса оргкомитетъ азондсы, што комсомоленце и од ломатне участвовандайхть кросса тьяфтама дистанциянь коряс:

## АЛАНЬ КОМАНДАТНЕ:

ГТО-ть I-це  
ступенезонза  
1000 метрять—3 мин.  
25 сек. пингста.

ГТО-ть II-це  
ступенезонза  
3000 метрять—12 мин.  
пингста.

## АВАНЬ КОМАНДАТНЕ:

ГТО-ть I-це  
ступенезонза  
500 метрять—1 мин.  
25 сек. пингста

ГТО-ть II-це  
ступенезонза  
1000 метрять—4 мин.  
15 сек. пингста.

## БГТО-ти (14—16 КИЗОСА ЦЬОРАНЯТНЕ И СТИРНАТНЕ)

Цёравятне—1000 метрять—3 мин. 45 сек. пингста.  
Стирнятне—500 метрять—2 мин. 0,5 сек. пингста.

## Кафта изба-читальнят

Кафта кизот ни работай положенянь колга лекцият, избачекс Кудашкин ялгась докладт, радиослушания, коза Потякш велень изба-читальняса. Велерийхне сонъ работанц мархта лядондыхть довольнайста: изба-читальняса ули драмкружок, конац путнесъ аф кржа постановка. Аньпек тя кизоня лувф разнай темас 50 лекция.

И. Кудашкин.  
Краснослободский р-н.

\*\*\*

Од Пшень велень колхозникне и од ломатне культурна-ста етафнесазъ эсь досугенон. Изба-читальняса, кося заведующайкс работай Чугуновсь, эрйяхть сидеста международнай

Тяда башка, изба-читальнят видеца организовандаф агит-бригада, кона вяти велерийхненъ ёткаса массово-разъяснительнай работа.

Од ломатне оцю мялса работайхть обороннай и физкультурнай кружокненъ эса, конат тьяфта жа организовандаф изба-читальнят видеца.

М. Щанкин.  
Ковылкинский район.

## Мзярда ули панчф изба-читальня?

— Мзярда ули панчф изба-читальня? Кизефнезь колхозникне колхозонь председателъ. Тя кизефксть каршес улендсь фкя ответ:

— Курок панчтама...

Но вов тя «курокти» ётась лама ков, а сонъ пашкодемани колга ёфси нльня аф арьси. председателъ Вишняков

ялгась.

Изба-читальнят колга кизефксь тарксеви бта аш помещения. Но напрасна тя причинат лихнесы Вишняков ялгась: велеса лама помещенияда, коза можналь панжемс изба-читальня.

И. Дорожкин.  
Рыбинский район.

Од Потыма веле.

## ЭРЬ КОЛХОЗТИ ВОДОЕМ

Местнай водоемонь тиёмать колга Таловский колхозникненъ призывсна ульсь фатяф Мордовиянь лама колхозга оцю энтузиазма мархта. Силь, лац шарьхкодемк водоемонь тиёмать пяк оцю хозяйственной, экономический и культурнай значения, келиста развернули тя тевть эсь колхозост. Сатомшка азомс, што 1940 кизоня республикатъ эзга прудяф 355 од пруд, 309 прудонди тиф ремонт, шувф и урядаф 168 эши и тиф лама лия водоем.

Водоемонь тиёмаса сембе инициативасъ ащесъ комсомольский организациатненъ кидьса. Аньпек комсомоленценъ вийс-нон мархта одс прудяф 211 пруд, тиф 92 эши и 259 лия водоем. Особенна активнай участия тя тевса примастъ Атяшевский райононъ комсомоленце. Силь тистъ районца 17 эши и прудяф 36 пруд.

Но достижениятне работанъ тя областъса уелельхть ба ла-

мода сяда оцюфт, кда сембе комсомольский организациатне работайхть атышевечненъ лаца. Но, к сожалению, ВЛКСМ-нь лама райком, кода, например, Б.-Березниковъ (секретарь Колына), Ладскийнъ (секретарь Сыропатов) и лама лият, тя тевть прокс недооценивали. Аф случайна, тьяса 1940 кизоня питай фкявок водоем кода эрйви ашестъ тий.

Главнай аф сатыксекс водоемонь тиёмаса ащесъ ся, што силь тиисна шарфтеть мяль аньпек временнай прудонъ прудямать ширес, да и нятненъ перьфканга шуфтонят ашестъ озафне. Задачасъ ащесъ и ащи силь эса, штоба тиёмс постояннай водоемт и пижелгофтомс силь перьфкаснот, штоба силь уелельхть колхозненди аф аньпек доходонъ источниккс, но и сонъ од ломанензонды культурнайста ваймама вастокс.


ВЛКСМ-нь райкомтненди и колхознай первичнай комсомольский организациатненди

эрйви тяникиге арьсемс водоемонь строитьсвать, силь хозяйственной использованияснот колга. Ся рабочайхненъ, конат апак занякт тунданъ видеца, использовандамс водоемонь тиёмаса, силь перьфкаст шуфтонянь, кустарниковъ озафнемаса. Тянкаса тьяфта жа эрйвихть использовандамс школьникненъ, конат могут таргсемс и озафнемс шуфтонят.

Тьяфта жа эрйви заботямс водоемтненъ паксятненъ валондомаснот, различнай гидромелеоративнай сооружениянди использованияснот инкса, лувомс силь строительствасот сембе эльбяткенень, конат ульсь нолдафт 1940 кизоня, и аф нолдаме ня эльбяткенень 1941 кизоня. Задачасъ ащи силь эса, тиёмс кода можна сяда лама водоем, штоба нинге сяда ламонъ крда касфтомс колхозненъ и колхозникненъ доходенон.

СЛАВКИН,

ВЛКСМ-нь Обкомть крестьянский од ломанень отделонц заведующайц.



Апрельть 21-це шистонза СССР-нь СНК-ть видеца Высшай школанъ тефненъ коряс Комитетса ульсь Сталинский премиянь лауреаттненди—науканъ работникненди дипломонъ и премиянь максомс.

СНИМКАСА: (Инголе) Т. Д. Лысенко академиксь (кержи ширеса) и науканъ и изобретательстванъ областъса Сталинский премиятненъ коряс Комитетть председателец А. Н. Бах академиксь.

Фотось В. Шаровскийть (ТАСС-ть фотохроникац).

## Улемс достойнай воинкс

Улемс Рабоче-Крестьянский Якстерь Армиянь воинкс—советский од ломаттненъ заветнай мечтасна. Сяс и эрь од ломанц оцю мялса аноклай призывонъ шить анокста васьфтеманцы. Сире-Шайгованъ средний школанъ допризывникне, конат шачсть 1921—22-це кизоня, учихть ся шить эса, мзярда силь улихть примафт Якстерь Армиянь. Штоба улемс полноценнай боецкс, силь нинге Якстерь Армиянь молема инголе, аноклайхть эсь прыснот эса. Силь ёткост мольтфеви строевой подготовкоть тонафнемац, аф шуроста эрьсихть тактический занятият.

Допризывникненъ мархта строевой подготовкоть коряс работатъ мольтфьсы военной тевонъ преподавательсь Федор Петрович Притворов ялгась. Тьяда башка допризывникне тонаф-

несазъ строевой и караульнай службанъ уставть.

Сембе допризывникне максозъ ПВХО-нь, Ворошиловский стрелоконъ, ГСО-нь норматненъ и ГТО-нь значокс тьялонъ норматненъ аньпек отличнай и цебяръ оценка мархта.

\*\*\*

Ельниковский райононъ Каньгуж велеса лувондовихть кафкса допризывникт, конатненъ ёткаса мольтфеви оборонно-физкультурнай оцю работа. Допризывникне тонафнесазъ строевой подготовкоть сянь инкса, штоба улемс Якстерь Армиятти достойнай пополнениекс. Тонафневи малокалибернай винтовкоть частензон и сонъ эздонза лицендеманъ техникась. Тьяда башка призывникне максесазъ обороннай значокс норматненъ.

Кирдянкин.

## СЕМБЕ ОД ЛОМАТНЕ —ОСОАВИАХИМОНЬ ЧЛЕТТ

Сарга велень Осоавиахимский организациасъ велень од ломаттненъ ёткаса сидеста етафни беседат и докладт обороннай темас, конатненъ мархта сембе од ломатне пяк интересуются.

Велеса оборонно-воспитательнай работатъ цебярьста ладяманц колга корхтай нинге ся, што тьяса од ломатне 100 процентс ащихть Осоавиахимтъ рядонзон эса, конатненъ эзда аф кржасъ организациатъ эряфса примсхть активнай участия.

Осоавиахимский организациасъ членонзон ёткаса оцю работа етафтсь обороннай значкистонъ анокламасовок. Тяни Осоавиахимонъ сембе члентненъ улихть обороннай значоксна.

Д. Алямкин.

Ст. Шайговский район.

## ТРУДОВОЙ ПОДЕМ

«Красное знамя» колхозонъ колхозникне оцю воодушевления мархта васьфтезь колхозникненди трудснот инкса животноводствать эзда продуктивностть и технический культуранъ урожайностть касфтоманкса [дополнительнай пандомать колга ВКП(б)-нь ЦК-ть и СССР-нь Совнаркомтъ постановленияснот.

Тя постановленияда меле колхозса вишкомсь трудонъ оцю производительностть инкса социалистический соревнованиесь. Пуроптф звенат, конатненъ мельге кемокстафт моданъ участкат. 120 ломаньца пуроптф 12 постояннай звена. Ня звенатненди кемокстафт махорканди, каньфонди, тозоронди участкат.

Звеноттненъ ёткаса вятеви оцю работа. Агрономсь Елифанов ялгась етафни мархтост занятият сянь колга, кода получамс колхозть паксянзон лангста оцю урожай. Аш сомнения, што, звеноттне, вооружандамок эсь прыснот агротехнической содамашить мархта, кармайхть увереннайста тюрема природанъ стихиятненъ каршес.

Животноводстванъ системаса работай колхозникне сявьсть эсь лангзост обязательстват пашкодемс тядненъ кизонъ жувананъ поголовьять раштафтомаса планть. Тя ули достойнай ответоке партияти и правительствати силь заботаснот инкса минъ народоньконъ колга.

Тяниень пингть, мзярда ушеткшихть тунданъ работатне паксятненъ эса, «Красное знамя» колхозса кеподс производственной подьем, кона ащи важнейшай условиякс зажиточнай эряфонъ сатомати.

И. Алямкин.



## Учтама эсонт, комсомолец ялгат!

Мордовский Автономный республиканский эсонт кизоня ушедф оцю строительства.

Строительстваса оцю участия кармай примам Ленинско-Сталинский комсомолс и аф союзнай од ломатне.

Строительхнен лангс путф почетнай и ответственной задача—максоме стройкаты установленной сроки. И ты задавать синь должет пашкодемс честь мархта. Кадрань лувксеш решандаф дополнить од ломатнен комсомолецнен лувксеста.

ВЛКСМ-нь Мордовский обкомс лихтс решения кучемс стройкаты 200 комсомолец. Ты задавать комсомолонь райкомне должет пашкодемс, иба сонь эздонза лама зависит сяда товодонь успешнай работась. Ра-

ботама комсомолецнен кочкамста райкомне должет подходить сяда серьезнайста; азондомс комсомолецненди, што синь кучевихть социалистический строительствань ответственной участкас, кучемс провереннай комсомолецт, конатнен можнотольхь ба эрявикс пингста использовандамс и лия работасонга.

Строительствас аноклай комсомолецненди достойнай встреча: оборудовандаф комнатат постельнай принадлежность мархта, клуб киноустановка мархта, библиотека, физкультурнай площадка и лия.

Комсомолецненди ули организованандаф техучеба.

Учтама тинь эсонт, комсомолец ялгат!

Петровичев.

## „КАНДИДАТ КОЛМОЦЕ КИЗОНДИ“

Тяфта арьсикхь Сире Сомань НСШ-са 5-це классонь ученикхь Канайкин Ванянь колга. 5 кизот котоцесь ни тонафни Ванянь ты школаса, но вестенге цебарь отметка ашесь полчакшнесь.

Азондомс Ванянь калдяв успеваемостенц сонь аф способностензон мархта — ёфси аш кода. Ты азонкшневи сонь нолашинц, аф дисциплинированностенц и сонь мархтонза аф сатомшка воспитательнай работать мархта. Аф мяляфты нинге фкявок учитель стама случай, мзярда ба Ванянь пашкоделезень куду максф уроконзон. Тяда башка, сон класса эсь принц вятсь калдявста: аф кулхондцы, озарничандай и стак тов. Учителхне аф весть тинь колга корхнесть сонь родителензонды, но и синь тинь колга мезьге аф арьсикхь; корхтайхь «максоськ минь иденьконь школав и воспитанность». Учителхне ашесь сувафта тейнза ответственнос-

тень чувства, а родителенза ашесь максеса лезкс педагогненди.

Тинь сюнеда Канайкинть омбоце цёрачка Васянь, конат тонафни ни 7-це класса, «плохатнен» потмоста аф лисенди.

Фкя лаца ученикхнен родителензон мархта Ванянь и Васянь воспитаниясон инкса ответственность кандыхть учителхне, конат тонафнесазь синь. Школань дирекциясь и комсомольский организациясь кода эряви ашесь арьсе сянь лангса, кода серьезнайста лездомс ня ученикхненди, организованандамс тейст ялгань лезкс, таргаме синь пионерский организациять эряфса активнай участияти.

Кубасов.

Рыбкинский район.



Снимкаса: Пенёковой комбинатса карднай цехонь мастеронь помощникс Ф. П. Кузнецов комсомолецс. Сонь комплект норманц пашкотыкшнесы 108,1 процентс. Тинь пингть вишкомс ты цехса Майнь 1-це шить честьс соцсоревнованиясь.

Фотось В. Веретенниковть.

## Испытанияда инголе

Цебарьста аноклайхь зачетнай испытаниятненди Мокша Мазканя велень аф полнай средний школань преподавателхне и ученикне.

Школань дирекциясь сембе дисциплинатнен коряс отаюшай ученикхненди организовандаьс дополнительнай занятия, кода синь сембе аф

шарьхкодеви кизефксненди получакихьтхь яснай ответс.

Тяса сембе учителхне максеть вал, штоба тонафнема кизоть аделамс 100 процентнай успеваемостьса, второгоникфтома.

Дм. Миряшкин.

С. Синдровский район.

## Сире Рябка ВЕЛЕСЬ ТЯНИ

Велень инь сире ломань О. М. Шкаев атысь тяфта лятфни сире эряфть колга:

— „Пинети, што никак сяда небирель эрямась, чем тейнек, беднай ломаттненди. Вдь шарьхкодесть тинц, кодама ся эряма крестьянти ульсь, кда сонь кшиц од сёрос афоль сатне, жуватань кирдемс ашель кода, сембе цебарь лугатне и гужатне ульсь баярьт и козятнен кядьга“.

Ся пингонь стака эряфть колга вь валхненди подтверждениакс ащи „Доля бедняка“ морось, конат ульсь эста инь кельгови морокс велетнен эса.

Велеса ульсь сембоц фкя грамотнай ломань—попс, конат келдакс нозсь народть веронц.

Но, вов 1917 кизонь Октябрьский революциясь. Сон ёрдазе народть лафту лангста козянь ярмоть и вача шить, кандсь тейст счастливый и радостнай эряф. Лама ломань

Сире Рябкаста добровольна тушендсть эста фронту и геройкс тюреть ты счастливый эряфть инкса. Ламоц синь эздост, кода Т. Т. Тишкин, Ф. Н. Кузнецов и лама лият, героически шавоветь гражданский войнаса. Велень ломатне синь вестенге аф юкснесазь. Синь ашихть фалу анокета арамс Октябрьть завоеваниязон аралама.

Лиякс арась Рябка велесь тини, 1931 кизоня Рябкав пуроптф колхоз, конат марнек полафтозе сонь шаманц. Ингольден беднайхне, колхозса сатеть эстейст защиточнай и культурнай эряф. Колхозть мельге вечнай пользованияс кемокстаф 1.142 гектар мода, 2—4 километрат радиусса раскинутайхь перьф колхозть паксаянза, конат максихть эрь кизоня обильнай урожай. Колхозть ули МТФ-ц, СТФ-ц, ПТФ-ц и пасикац. Но колхозсь аф лотк-

ей ня сатфксонзон лангс. Колхозникне, эсь собраниясост обсуждамак СССР-нь СНК-ть и ВКП(б)-ть ЦК-ть мартть 13-це шинь постановлениясон, наметили 1941 кизоня касфтомс жуватань поголовьять: алашатнен—76, траксоннеть—73, тувонь—150, учань—84, саразонь—68. Колхозть ули цебарь коннай дворон, вазнянь кардоняц, свинарникон, кормазарникон и лия постройканза. Ингольден сокать и шуфтонь тьяматнен васте добувафт плукт, селкат, молотилкат и лия машинат.

Колхозсь касфтьс замечательнай ломатть-стахановецт и родинань лия патриотт. 2 ломатть работайхь МТС-нь механикоке, лама трактористокс, комбайнерке, ветфельдшерке и стак тов.

Кда инголе велеса пцтай ашельхь грамотнайхь, то тини вели лядсь аныцек 15 аф грамотнай и малограмотнай ломань, а лядыхне сембе грамотнайхь. 50 ломань велеста тонафни средний учебнай заведенийса. Лама ломань тини велеста лисеть учителькс.

Эрь кизоня Рябка велесь максси полноценнай пополне-

ния РККА-ть рядонзонды. РККА-ть рядса аф кржа ты велень ломань, конат служайхь сержантокс, старшай и младшай лейтенант подводникос. Всеобщай кельгомаса велеса пользовандай синь земляксна майорсь—орденоносецс В. А. Кузнецов ялгась, конат служай ни армияса 20 кизода лама.

Велеса ули акушерский пункт, изба-читальня, фотография, почта, начальнай школа и радио.

Успешнайста тиендемок эсь тевозон, колхозсь эрь кизоня организованна 50—60 ломань кучи работама промышленностти.

Светлайхь, чистайхь и уютнайхь колхозникхнен кудена. Синь стенасост партиять и правительствать руководителенон портретсна, вальмасост занавескат, кудена эрь шиня штафт. Эрь кудса получайхь газетат и журналхь, пцтай эрь кудса ули музыкальнай инструмент. Словом, синь эряйхь аф аныцек защиточнайста, но и культурнайста.

Матвеев.

С.-Синдровань р-н.

## ОД ЧИТАТЕЛЕНЬ ОШЕНЬ КОНФЕРЕНЦИЯТИ

Майть 6-це шистонза А. С. Пушкинть лемса республиканский библиотекаса МАССР-нь писателень Союзсь и ВЛКСМ-нь Саранскийнь горкомс этафтихь од читательхнен мархта ошень конференция, кода кармай путовама «Социалистический строительствать и советский литератураса од ломань образонц колга» доклад. Тяда башка, кармайхь обсуждаться мордовский писательхнен произведениясна.

Тя конференциять инголе ащи задача, штоба од читательхне лихтелезь лангс мордовский литератураса аф сатыкснен, азондолезь эсь мяльсон сянь колга, кода сяда курокста машфтомс синь.

Мордовский писательхне конференциять самс тиендихть литературнай вечерхь, читательхнен мархта васедемат.

Саранскийнь 9 № мордовский школаса апрельть 19-це шистонза ульсь этафтф васенце литературнай вечерсь, кода азондозь эсь произведениясон поэтне: Рогожин, Дурнов, Малькин и Вера Курзанова.

Тяфтама жа вечер этафтф Саранскийнь фельдшерско-акушерский школаса апрельть 21-це шистонза. Выступали эсь произведениясон мархта поэтне: Кириллов, Рогожин, Дурнов, Прончатов и Радин.

Сембода оживленнайста этаф литературнай вечерсь апрельть 23-це шистонза Саранскийнь педучилищаса.

Доклад «Социалистический строительствать и советский литератураса од ломань образонц» тись эрянь поэтс Рогожин.

Докладта меле выступали педучилищань студентне, конат лангу лихнесь мордовский литературать сатфксонзон и аф сатыксонзон.

Особенна оцю впечатления тись студентть Жарков ялгать выступленияц. Сон последовательна корхтась ламонц эрянь писательхнен Раптановонь, В. К. Радаевонь, Коломасовонь произведениясон колга.

Сембе студентне тердсть, штоба мордовский писательхне кармалхть работама произведениясон лангса сяда лац и максельхть высокохудожественнай, высококультурнай произведенийт.

Эсь произведенийсон мархта выступили поэтне: Кономанин, Дурнов, В. Курзанова, Малькин, Прончатов, Радин и Рогожин.

Тяфтама вечерхь майть 6-це шинц самс кармайхь этафневоме лама школава и предприятиява, штоба од читательхне конференцияти улельхть анокт.

Гринев.

## Тиенс культурнай вид

Консервнай комбинатонь клубсь ащи конторать мархта фкя помещенияса. Кодак суват сонь эзонза, то сразу сельмоэт прай клубса бескультурьясь: стулхне тапафт, конань аш фкя пильгоц, конань бокоц яжаф; кияксось штакшневи шуроста, стенатне рдазуйт, сненать лангса президиумонь столсь валф суронь серьпульса.

Тяфтама состояниакс клубсь катф, аф ваномок сянь лангс, што тяса ули комсомольский организация.



Я. ПИНЯСОВ

## УЛЯТ МЯЛЬСОН

Тячи тон ичкизи,  
Кельгомний, туют.  
Кели морять ланга,  
Кенярдезь уят.

Мон илядан куду,  
Инкот скучендан,—  
Сенем морять ланга  
Сёрманя кучан.

Кизонь нюрхья веста  
Колгат няян он,  
Аф содаса, кода  
Ся минутать тон?..

Кармай улема мяльсон  
Сенем морянь крайсь,  
Коза боевойста  
Крейсеронте сай.

Лентаниянь вармась  
Беподсы и валхтсы,  
Шову морянь волнась  
Крейсертке люкафтсы.

Седизе ся пингста  
Инкот тонь стукай  
Няйса, бта стройса  
Кельгоманияе сай.

«Тят ризна, стирязе,  
Шумбраста илядть.  
Вахтасонга монь  
Мяльсон тон улят».

ТЮРЕМС  
ЧИСТОТАТЬ  
ИНКСА

ВКП(б)-ть XVIII Всесоюзная конференция сонза Маленков ялгась корхтась эсь докладсонза: «...што чистотась ащи инь элементарнай условияе современной предприятия нормальная работанцы»...

«Рдзась— расхлябанностень, дисциплинань, расхатанностень, разболтанностень и порядкань аф улемань неизбежной спутник и источник».

Тяфтамк лувондовихть Торбеевский Роноть, Райздравть, сельсоветы и сембода пик колхозников Кудть помещенияна.

Ушедсакь Райздравть эзда, кода должен улем сембода уютнай, чистоплотнай вид. Виде, помещениати кой-кодама порядка тисть, ёрьязь сембе мусорть ушу, стане, што крыленить ваксса мусоронь оцю мархт, везде ускоряви назем.

Тяка жа помещениати эса ащи Роноське, конанц кабинетонза рдзуфт, эсост аш кодамовок уют. Сельсоветы тожа, кода и Ронось, ащи стама положенияса. Колхозников Кудса сянь васте, штоба тиеме порядок—киаксь рдзу, стенатне рдзуфт, содуфт, матраце пулюфт. Но тя колхозников Кудть директоронц и Райздравть заведующайнц колхозников Кудса аф тревожакшнесазь. Синь ссылаются: «Нийсасть ли, тунда рдз, трудна кирдемс чистота».

Возмутительна ся, што сембе вьре азф учреждениятнень эса работайхть комсомолецт, од ломатть, конат ёфси совозьфема ётнихть вопиющай беспорядкатнень вакса, аф лувондсаз эстетейт долгок машфтомс тяфтама бескультуриять.

3. Арсентьева.

## САТОМС ТОНАФНЕМАСА ОЦЮ ПОКАЗАТЕЛЬХТЬ

Аф лама пинге лядонды международнай пролетарский праздники—майть васенце шинцы. Сембеломатне майть васьфтемс аноклайхть казнет. Школатнень эзга майть честьс шиста-шис келемкшни социалистический соревнованиясь успеваемостьс касфтоманкса.

Шонгар велень аф полный средний школась тожа сувась социалистический соревнова-

ниясь. Тонафнихне сьавсть эсь лангозост обязательств, штоба аделама нилеце завершающей четверть отличнай и цебарь отметкаса, и тюремс цебарь дисциплинанкса.

Кажднай тонафнись старандай, штоба майть васьфтемс тонафнемань оцю показателса.

В. Щанкин.

КОДА МИНЬ АНОКЛАТАМА  
ИСПЫТАНИЯТНЕНДИ

Малаткшнихть школатнень эса проверочнай испытанитне. Ичалковский средний школань комсомолецне решили сембе ширде анокта васьфтемс синь. Комсомолецт А. Кокурин ялгать предложенианц коряс, комсомольский группатнень эса марса аф союзнай од ломатнень мархта организовадасть дополнительнай занятият сят дисциплинатнень коряс, конатнень коряс кармайхть улема испытанит.

Тяфта 8—9—10-це класснень эса кафисть и колмокопне неделяти ётафневихть дополнительнай занятият математикать, СССР-нь историйать и лия дисциплинань коряс. Ня занятиятне ётафневихть преподавательхнень руководстваснон ала.

Историяса, повторенияда-башка, учащайхне тиендихть докладт различнай темань коряс. Цебарь и содержательнай доклад аф кунара тись учениксь З. Луева ялгась—«Социал-демократиять демократический революцияса кафта тактиканзон» колга темать коряс.

Комсомолецне решили ня занятиятнень вельде тя учебнай кизоня аф кадомс фкявок второгондик и максомс 100 процентнай выпуск.

Москвин.

Ичалковский р-н.

## ШКОЛАТЬ РАБОТАСА АФ САТЫКСНЕ

Стенгазетась максим оцю польза школать работаса. Сон няфнесыне сатфксенень и критиковандасыне аф сатыксенень, критикать вельде ладасы школать правильной работанц.

Аф ваномок стенгазетать ташка значенианц ланге, Од Пшенень неполнай средний школаса тячиень шить самс аф поляви стенгазета. Тя кизефкеть мархта кивок аф замандай: аф школань дирек-

торсь, аф комсомольский организациясь.

Тяда башка, школась аф сатомшка сёрматфни газетат, журналхт, методический и родительский собраният ётафневихть случайста случайс. Тя вьатсь сяндя, што колмоце четвертьста школать успеваемостьс 65 процент.

Вельмякин.

Ковылкинский район.

## Шарфтомс мяль СВБ-ть работазонза

Велеса СВБ-ть инголе ащихть оцю задачат—вьатемс населеният ётка просветительнай работа, тиендемс лекцият антирелигиознай темас.

Но тя почетнай задачат аф сембе СВБ-нь кружокне пияшкотькшнесазь. Левжа велень СВБ-нь кружоксь, кода руководительс ащи Агафонкина ялгась, сон лувондови кружокс анычек, а работа кодамовок аф вьатеве эсонза.

Кизоньберф СВБ-нь кружоксь ашесь ётафне антирелигиознай темас фкявок доклад, лекция, вечер и беседа.

Ламокеть кизефнезь СВБ-нь четлетне Агафонкина ялгать, мес аф работай кружоксь, по ответ тячимс нинге атак получандак, и тя тевть ланге кодамовок мяль аф шарфни комсомольский организацияське.

Н. А. Адмакин.

Рузаевский район.

## КОСА ИОТАФНЕМС ПИНГСЬ?

Минь школасонк, занятиятнень аделама меле, ёфси ашместь тиендемс. Книгат художественнайхть лувондомс аш, а библиотекас ули мзяра бди книга, сятка ученикнени аф максевихть.

Оцю мяленьке участвовандамс кружковой занятиятнень эса, но мес бди минь школасонк синь ашет. Особенно ин-

тересовандасамазь физкультурась и военной тевть тонафнемас. Тянь колга ламокеть корхнемс школань директорти, военрукти, но костонга обещанияда башка мезевок ашеме получа.

Куколев.

Ковылкинский район, Порапа веле.

## Аф грамотнайхненъ аф тонафнесазь

Велеса, кода аф тонафнесазь аф грамотнайхненъ и малограмотнайхненъ,—тя минь цонок шура явления. Но мярьгоме, што синь ёфси ашет, тя ули нинге эльбиятксонкс. Вов Тумановка велесь, кода 1941 кизоня нинге ашесть кярмотькшнень аф грамотнайхненъ и малограмотнайхненъ ётка занятиятнени.

А вдь тя велеса ульсть и улихть сембе возможностьне регулярна занимадамс аф грамотнайхненъ и малограмотнайхненъ мархта. Улихть учительхть, грамотнай комсомолецт, но синь тя тевса участия нинге кодамовок аф примосихть.

Д. Ломакин.

Пурдошанский район.



СНИМКАСА: Палестинский крестьянне паксянь тунданы работаса.

Фотось ТАСС-ть.

## Европаса и Африкаса войнась

(Апрельть 24-це шистонза военной действиятнень дневниксна)

Иотай шинкса активнай военной действия Грецияса ашельхть. Германский командованиять сводкасонза корхтати, што германский войскатнени удалась шаштомс несколькода инголи. Греческий сообщениятнень эса корхтати, што германский самолетне несколькокаксть бомбардировандазь Пирейть, Саламинть, Атикать и Мегарать районцон. Бомбатне тисть оцю ущерб суднатнени и портовой сооружениятнени.

Англо-германский фронтса германский авиациять активностец стаки аф лафчемкшни. Германский самолетонь крупнай соединениятне тага бомбардировандазь Плимут портть, и ёрдасть лама фугаснай и зажигательнай бомба. Тяфта жа бомбат ульсть ёрдафт Портсмутть и кой-кона английский аэродромтнень ланге. Стаки тиендевь минирования английскый портнени.

Английский авиациясь тага тисть налет германский военной корабльхненъ ланге, конат ащихть Брестса.

Средиземнай морять восточнай частьсонза стаки молихть германский авиациять действиянза английский суднатнень и опорнай базатнень каршес.

Самолетне од атакат тисть Мальта островть ланге.

Севернай Африкаса военной действиятне вишкомкшнихть Тобрукть маласа и Соллумть районца. Итальянский сводкаь эса корхтати, што английский частьне авиациять лезксонь вельде тага тяряфнезь сьаземс Тобрукть перф осадань кольцать, но ульсть вынужденайхть потамс.

«Нью-Йорк таймс» американский газетать корреспондентон, кона ащи английский армиять мархта Египетть западнай частьсонза, пафнесы, што Ливиять ширде Суэцкий каналти германский угрозась временна машффт. Германский и итальянский частьне, корхтай корреспондентсь, ётасть оборонась: синь потаффт Соллумть и Тобрукть эзда и россеянайхть английский авиациять, военноморской флотть и мотомеханизированнай частьтнень атак лотксек атакаснон вельде.

Восточнай Африкаса, Абисинияса, Рейтер агентствать сведениязон коряс, английский войскате сьязезь итальянский передовой оборонительнай укреплениятнень Десси ошть районца (Аддис-Абебать эзда северо-восток ширеса).

(ТАСС).

## Английский авиационнай экспертсь английский и германский авиациять колга

«Социал-демократен» шведский газетась печатлазе фкя виднай английский авиационнай экспертть майорть Стюартть заявлениянц.

«Германский авиациясь ингольцекс сьада вию английскый коряс,—корхтай Стюарт.—Англиясь ляткшни Германиять эзда сембода пик бомбардировщиконь лувксть коряс, но тя кизоть пениты сон ётасы Германиять». Англияса самолетонь производствась стаки моли кодамовок серьезнай помехафтома. США-ста мекольдень 3 кофнень пингста сашендсь 250 самолет эрьковня. Причем, ученови, што сьада тов поставкатне улихть касффт.

Сьада тов Стюарт азозе, што англичатне тяни применяндакшнихть бомбань од типт, што синь сьада эффективайхть

германскийхненъ коряс, но ня бомбатнень массовайста полдамасна анычек што ушетф.

(ТАСС).

## ОБЪЯВЛЕНИЯ

Саранский пионеронь Кудть видеса организовадаф олимпиадань и идень творчестваь выставкав анокламаса лезксонь максомань кизефксенень колга консультационнай группа, конаень составозонза сувсихть опытной специалистт.

Олимпиадав и идень творчестваь выставкав анокламаса лезксонкса и советонкса обращаться тяфтама адресонь коряс:

г. Саранск, ул. Гражданская, № 25, Дом пионеров, Расстегаев ялгати.

Ответ. редакторсь  
И. ЧУДАЙКИН.